



Nordhordland Indremisjon  
5918 FREKHAUG

Referanser:

Dykkar:

Vår: 19/178 - 19/1879

Saksbehandlar:

Anngunn Marie Gullbrå

anngunn.gullbra@meland.kommune.no

Dato:

01.02.2019

## Adresse-tildeling og adresse-endring Holtermandsvegen 2A, 2B og 2C

**Administrativt vedtak. Saknr: 20/2019**

### Saksutgreiing:

På eigedommen 23/1 er det oppsett bygg til bruk av Danielsen ungdomsskule som inneheld både administrasjon og undervisningslokaler. Danielsen ungdomsskule har vorte bygd ut i fleire etappar og er fordelt på fleire bygg, men det er ikkje tildelt eiga offisiell adresse på nokon av desse bygga. Det har vore uklart kva bygg som burde hatt adresse, men det er no kome ynskje frå administrasjonen ved skulen om tildeling av eiga adresse til det sist oppførte bygget. Dei har til no brukt adressa til Leiketun barnehage ( 2A)og fått posten sin der! Også for besøkande og for levering-/ henting er det nødvendig med eiga adresse på skulen sin administrasjonsbygning.

Då det ikkje er ledige husnummer her, vert adresseringa gjort med tildeling av bokstav- i tillegg til husnummer. Då dette bygget kjem først av dei som har det lågaste adressenummeret til Holtermandsvegen ( 2), må dette skulebygget få adressa 2A. Eksisterande 2A- Leiketun barnehage må omadresserast frå 2A til 2B og Frekhaug Indremisjon sitt bygg må omadresserast frå 2B til 2C.

Skrivemåten for stadnamn er regulert i *Lov om stadnamn*, og tildelt adressenamn er godkjend av Namnekonsulentane for Vestlandet, og vedteke i Meland kommunestyre.

Vedtak på adressenamn kan ikkje påklagast, men det kan klagast på husnummertildeling og kva adresseparsell bygning/eining høyrer til.

---

#### Postadresse

postmottak@meland.kommune.no

Postboks 79, 5906 Frekhaug

Besøksadr: Havnevegen 41 A

5918 Frekhaug

#### Kontakt

www.meland.kommune.no

Telefon +47 56 17 10 00

Telefaks +47 56 17 10 01

Konto 1503 98 36413

Org.nr. 951 549 770

Kartinfo: [www.nordhordlandskart.no](http://www.nordhordlandskart.no)

Meland kommunestyre har vedteke at adresseparsellen skal ha adressenamnet **Holtermandsvegen**.



### Vurdering:

#### Skilting.

Etter felles forskrift til § 21 i matrikkellova ( adresseforskrift FOR-2011-11-03-1077 ) for regionen Nordhordland og Gulen, ligg det til Dykk å gjere eigedomens adresse synleg ved tilfredsstillande adressenummerskilt.

Skilt og plassering skal tilfredsstillast lovkrava. I visse tilfelle kan det vere aktuelt at huseigar i tillegg til standard husnummerskilt på huset eller ved innkøyringa, også set opp supplerande tilvisingskilt. Plikta grunneigar har til å supplera med tilvisingskilt trer fram der grunneigar eig heilt fram til vegkrysset og eigar kan setja skiltet på eigen grunn.

Det skal nyttast standard husnummerskilt som skal vera av typen med sjølvreflekterande botn med svarte tal. Dei aktuelle skilta kan kjøpast eller tingast i vanlege jernvarebutikkar eller direkte frå eit skiltproducentfirma.

Av omsyn til redningsinstansane og ukjende som skal finne fram, skal korrekt hunummerskilting verte utført så snart som råd. Ved nybygg skal skilting vere utført før bygget vert teke i bruk.

Posten.

Den tildelte adressa vert også postadresse dersom ikkje postboks eller anna er avtala med Posten. Posten er informert om adresseendringa og treng ikkje eigen melding, men Posten ønskjer at andre kontaktar vert informert om den nye adressa på eigna blankettar som ein får på postkontoret. Spørsmål til Posten kan rettast på kundeservicetelefon 22030000 eller internett [www.posten.no](http://www.posten.no)

Informasjon.

I vedlagte brosjyre **Orientering om adresser i regionen Nordhordland og Gulen**, finn du informasjon om bakgrunn for adressetildelinga og korleis adresse har vorte tildelt. Informasjon finn du også på [www.meland.kommune.no](http://www.meland.kommune.no) og søk på adressetildeling.

Kva gjer ein om ein ikkje er nøgd med adressa.

Kommunen har mynde til å endre ei adresse og ein adresseparsell ut frå overordna omsyn til forvaltning av adresseverket. Ei adresse skal vere i samsvar med gjeldande infrastruktur og er difor gjenstand for endring.

Etter reglane kan ein klage på sjølve nummertildelinga eller kva for veg huset skal ha si adressetilknytning til. Det er berre eigar som kan klage og klagefristen er tre veker etter varsel om endring.

Ev. klage skal stilast til Fylkesmannen i Hordaland, men sendast Meland kommune.

Kommunen kan yte hjelp og anna rettleiing for den som ønskjer det.

## Vedtak

«Meland kommune har i samsvar med gjevne retningsliner gjort følgjande adressetildeling og adresseendring:

Gnr	Bnr	Eining	Eks adresse	Ny adresse
23	1	Danielsen – Adm bygg	manglar	Holtermandsvegen 2A
23	505	Leiketun Barnehage	Holtermandsvegen 2A	Holtermandsvegen 2B
23	296	Frekhaug Indremisjon	Holtermandsvegen 2B	Holtermandsvegen 2C

Vedtaket er gjort i medhald av Lov nr 101 av 17. juni 2005 om eigedomsregistrering (matrikkellova – i kraft 01. jan. 2010) § 21 og tilhøyrande forskrift kap. 12, og felles kommunale retningsliner til lovheimelen for kommunar i regionen Nordhordland og Gulen.

Kommunen registrerer vedtaket i det nasjonale adresseregisteret Matrikkelen dersom vedtaket ikkje vert påklaga innan fristen.»

\*\*\*\*\*

Saka er handsama og avgjort administrativt i medhald av delegert mynde, jf. Kommuneloven§ 23 nr. 4 og gjeldande delegasjonsreglement.

Føreliggjande vedtak er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen ,jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket og kva endringar ein ønskjer. Klagen skal grunnjevast.

Med helsing

Anny Bastesen  
sektorsjef teknisk

Anngunn Marie Gullbrå  
fagansvarleg gis/geodata

*Dokumentet er elektronisk godkjent og har difor ingen signatur.*

**Vedlegg:**

Orienteringsbrosjyre om adresser

**Mottakere:**

Frekhaug Indremisjon	c/o Torbjørn Langeland Sagstadvegen 125	5919	FREKHAUG
Nordhordland Indremisjon		5918	FREKHAUG